

c.
3
Vn ermanung an die
Keyserliche Maiestat/ desz Euangeliums
halben/ inn seinen Erblendern.

Darinnen auch ein trewe warnung
an Vns Teutschen.

Durch einen Wolweisen Kriegs-
erfahren Herrn schön be-
schriben.

Annos/ M. D. xlvj.

Faint, illegible text, possibly bleed-through from the reverse side of the page.

Faint, illegible text, possibly bleed-through from the reverse side of the page.

Faint, illegible text, possibly bleed-through from the reverse side of the page.

Faint, illegible text, possibly bleed-through from the reverse side of the page.



Herr Gott erkennet aller hertzen/
 Sich an was jamer vnd auch schmerzen/
 Jez vnd leyder ist vorhanden/
 Inn Teutschen vnd inn Welschen Landen.
 Dein Heiligs Wort wil man vertreiben/
 Darvon zu reden wölln sie nit leiden.
 Viel menschen sein darumb verdorben/
 Im glauben seint sie wol gestorben.
 O Carle Carle bedenck dich eben/
 Was dir Gott vor gnaden hat geben.
 Gemacht dich zu eynem grossen Herrn/
 Solt darumb Gottes Wort nicht wehren.
 Sonder trewlich helffen pflanzen/
 Das deine Pfaffen vnd ihr finanzen.
 Alleyn nim Gottes Wort für dich/
 Geschicht es nicht gedenc an mich.
 Gott ist viel mechtiger als du/
 Die Pfaffen haben keyn rast noch ruh.
 Wollen mit gewalt Gottes Wort verdringen/
 Besorgen sie werden nichts güts darauß pringen.
 Gottes Wort würdt nicht ablan/
 Ehe muß Teutsch Land zu scheidtern gan.
 Darumb grosser Keyser sunder vell/
 Besinn dich wol hast auch ein Seel.
 Sitzst du wol still nimpst dichs nit an/
 Würds doch inn deinem Landt gethan.
 Leuth zu tödten vnd zu brennen/
 Darbei lernt man die Pfaffen kennen.
 Was sie füren inn ihrem Sinn/
 Hette vor der Teuffel den Luther hinn/
 Vnd seine Büben allzumal/
 So wern vnser Kasten vnd Keller vol.
 Vnd hielten noch vnser menschen lere/

Gleich als wann Gottes Wort nichts were.
Das man sie alleyn müß achten/
Gewaltiger Keyser thü betrachten/
Was dir vnd vnns ist daran gelegen/
Laß dich die Pfaffen nicht bewegen.
Im Glauben die Teutschen zu Reformiren/
Es wil dir Keyser nit gebüren/
Gott inn sein Yer vnd Ampt zu treten/
Wir müsten ihn als Gott anbetten.
Als der vnns hat am Creutz erlöst/
Mit seiner Vfferstehung getröst.
Vff das alle die an Ihn glauben/
Wölle Er seins Leibs nicht berauben.
Sonder vnns das Ewigk Leben schencken/
Gütiger Keyser wöllest bedencken/
Das man allzeit dein bestes spricht/
Haben dich die Pfaffen anders bericht.
Thue die Geschrifft mit vleiß umbkeren/
Würdt dich den rechten Weg wol leren.
So würdt Gott lassen das glück bei dir/
Wa aber nit/ so glaub du mir.
Gott kan sich von dir gewenden/
Sein Wortt leßt Er ihm nicht zutrennen.
Die Pfaffen haben dich bericht/
Wie Paulus inn der Aposteln Geschicht.
Er wolt auch widdern Stachel lecken/
Wies ihn Gott thet auß gnaden erwecken.
Gott wöll dich auch als ihn bekern/
Als dann würt sich die Christenheyt mehrn.
Sich wie die Juden Christo thetten/
Als sie sonst nichts mehr an ihm hetten.
Versüchten Ihn mit Keyseris Kendt/
Er aber Antwortt ihn behendt.

Begert

Begert von ihm die Müntz zu sehen/
Bald druff thet Er zu ihm jehen:
Gebt dem Keyser sunder wahn/
Was ihm gebürt vnd er sol han.
Doch sage Ich euch zu dieser frist/
Gebet auch Gott was sein ist.
Da sichstu Keyser wie Gott der H^{er}/
Nit will inn dein Weltlich Er
Dir tragen/ sunder zülaffen/
Also wil Er auch dermassen/
Vor dir sein vnd pleiben Gott/
Wiewol die Pfaffen treiben spott.
Das leidet Er bis zu seiner zeitt/
Ers wenden will/es ist nit weitt.
Gott kumpt inn eynem augenplick/
Gedenck ann so manich grosses glück
Du hast gehabt bei deiner Kron/
Da solstu billich dencken an.
Was Gott zülief nach deinem verlangen/
Der König von Franckreich war dein gefangner.
Rom die Statt hastu gewonnen/
Da solstu billich han besunnen.
Das du bist vnser Keyser geehrt/
Darumb dir Gott hat Rom beschert.
Dieweil du fürest Römischen Tittel/
Hört dir Rom zu sonder mittel.
Darumb O Keyser Hochgeborn/
Bedenck den Eyd / du hast geschworn
Das heylic Römisch Reich zu mehrn/
Lass dich die Pfaffen nicht verferm.
Vergieß nicht das Christen Blut/
Sonder hab Gottes Wort inn hüt.
Sich was Triumph dir Gott hat geben/

Villeicht noch mehr bei dein leben.
Dann keynem Keyser inn langer zeitt/
Was seins die armen Christen gefrewt.
Dieweil die Pfaffen han gewalt/
Inn deinem Reich dir vorbehalt/
Zu hörn das Heilig Gottes Wort/
So würstu Seligt hie vnd dort.
Wiltu aber vff deinem vornemen pleiben/
Die armen auß deinem Landt vertreiben/
Blüt vergiessen an vnderlassen/
Gottes Wort von dir stossen/
Zuletzt die Teutschen vnderstehn zu dringen/
Den Pfaffen nach ihrem Lied zu singen.
Als sie vermeynen vnns zu erben/
Vnns arme Teutschen gar zuuerderben.
Das bedenc̄ dich Keyser wol/
Obs Gott der H'Erz auch leiden sol.
Vnd leiden wolle solchen hochmüt/
Hab acht ans end so würds noch güt.
Vnd kumpt vnns alle zu stewer/
Das Stro leit warlich nah beim Sewer.
Es ist leichtlich anzubrennen/
Gott wölle all ding zum besten wenden.
Der Bapst hat zu lang geseffen/
Sein ist bei vnns ganz vergessen.
Mit sampt seiner Büberey/
Das Reich wonet dir mit trewen bei.
So feer du sie nicht thüst bedauben/
Vnd ein jeglichs last glauben/
Was ihn dünckt zur Seelen nott/
Wich deucht es wer keyn besser rath.
Der glauben last sich nicht zwingen/
Wie hoch die Pfaffen daruff dringen.

Wuß mann

Muß man ihn ihren willen lan/
Den vnsern wöllen wir auch han.
Vnsern willen zur Seligkeyt/
Sunst sein wir Keyser dir bereyt/
Mit schuldigen diensten alle zeit/
Doch das wir sein inn dem gefreitt/
In vnserm glauben vorn Römischen Pfaffen/
Mit den wöllen wir nichts han zuschaffen.
Sonder pleiben bei Gottes Wort/
Wie täglich bei vnns würt gehort.
Gott hab Lob zu aller zeit/
Darzu setzen wir Landt vnd Leüth.
Gottes hilff mir darzu nemen/
Jetzt müssen sich die Pfaffen schemen.
Ihr büberey ist ganz am tage/
Mit Herzog Heinrichs niderlage.
Gott geb O Keyser Hoch genannt/
Du habst mit heymlichen verstande/
Schabt mit dem selben Hauffen/
Hets nit gemeynt/ das er zurlauffen
Solt sein/ vnd were so ergangen/
Das der Herzog solt werden gefangen/
So hat Gott sein Gnad bewisen/
Darumb Ihm Lob wirt täglich geprisen.
Gott der H^{er}z laßt nit mit Ihm scherzen/
Edler Keyser nim̄s zu hertzen.
Widder Gott mach keyn heymlichen Bund/
Gott wend die zeit/ das ziel/ die Stund.
Sein Gewalt gibt Er wem Er will/
Ich besorg ich red schier zu vil.
Noch wil die Warheyt sein bekant/
Wichtiger Keyser sei gemant/
Vnd mach ein bestendig Eynigkeyt/

Zwischen vns

Zwischen Vnns vnd der Geystlichkeye.
Las vnns pleiben vff vnserm Sin/
Las sie hinfaren mit ihrm gewin.
Gewaltiger Keyser nim dein Kron/
Vnd zier die Teutsche Nation.
Durchleuchtiger Keyser erkorn/
Du bist vom Teutschen Blut geborn.
Vom Herzogthumb von Osterreich/
Den die Fürsten all zugleich/
Gekorn haben inn Teutchem Land/
Darumb Keyser biß vermant.
Las vnns bei vnserm Glauben pleiben/
Wollen vnns dann die Pfaffen vertreiben.
So sitz du nicht mehr dann still/
Villich ist Gottes will/
Das wir vnns ihrer erwehren/
Thue vnns nicht weiter beschweren.
Wöllest sie auch nicht stercken/
Wa wirs sunst würden mercken/
Were vnser hoffen zu dir verlorn/
Verhenge nicht der Pfaffen zorn/
Sie wölln nur mit dem Schwerdt dran/
Da sollen sie nichts gewinnen an.
Stehe du nur Gottes Wort bey/
So seind wir aller sorgen frei.
Zieg an Türcken/ wir seind bereyt/
Mit dir zu leiden lieb vnd leyd.
Dir helffen ihm sein Reich krencken/
Das wölstu Keyser wol bedencken.
Vnser Reich ein mal auch mehrn/
Kan niemandt verargen noch verferen.
Sonder darzu haben lust/
Ich glaub mans der Türck wüß/
Er würd

Er würd

Er würd sich gegen dir nit streüben/
Würst ihn wie ander künden erlegen.
Ihn heysen ziehen hinder sich/
Eyns dings verwundert mich/
Von vnsern Geystlichen leütten/
So sie wölln zu allen zeitten/
Die besten Christen sein gnannt/
Das sie so gar keyn widderstand/
Begern widder den Türcken/
Alleyn ihr gemüt dahin stercken/
Wie sie vnns gar möchten verschlinden/
Das mann Gottes Wort nicht mehr möcht finden.
Darauff wenden sie grosses Güt/
Nur zuvergiessen Christen Blut.
Geben sie das zur Türcken steuer/
Der Glaub bei ihnen wer nicht so thewer.
Wölln sie sein die Hirten vnd schlaffen/
So würdt sie Gott warlich straffen/
Mit allen denen die an ihn hangen/
Darumb Keyser stell dein verlangen/
Zu Gott vnd seinem heyligen Wort/
Vnd far als dann mit freuden fort.
Thue wie eym Keyser simpt inn Ehn/
Des Türcken Macht kan dir nicht wehrn.
Gott würt sein Gnad dir senden/
Das Glück würdt sich nicht von dir wenden.
Als dann würstu der ganzen Erden/
Eyn gewaltiger Keyser werden.
Viel mechtiger als dein Dorfarn/
Wiltu aber anders gebarn/
Vnd dich die Pfaffen lassen leyden/
Dein Seel mit Menschen Leer zu weyden/
Damit Gottes Wort verachten/

Keyser das solt du betrachten.
Gott kan dir nemen deinen gewalt/
Kan ihn geben eynem andern bald.
Dein Landschafft kan sich von dir gewenden/
Nie vnd auch an andern enden.
Gott kan dir machen also bang/
Das du nicht weyst wo oder wann/
Wohinn oder auch wo hinnauß/
Die Pfaffen halten selzam hauß.
Verlaß dich nit vff ihren pracht/
Gott hats bald als zu nichts gemacht.
Der würdt endlich den Bapst verstoßen/
Mit allen seinen Bundsgenossen.
Darnit Keyser wil ich dich warnen/
Ich weyß du hast die Geschrifft erfaren/
So lees den Propheten Jonas/
Der drei tag im Fisch was.
Den schickt Gott inn die grosse Statt
Ninive/vor des Königs Rath.
Rufft laut die Statt sol vndergân/
Die meer kam vorn König hin.
Im Sack der äschen thett er büß/
Wiewol Jonam das verdroß.
Laß den Bapst/pleib du bei Gott/
So hilfft Er dir auß aller nott.
Pharo wolt Mosen nicht lan/
Inn das Gelobt Landt lassen gan.
Vff ihn samlet ein grosses Heere/
Ertruncken all im roten Meere.
Viel Keyser hats Gotts Wort verdrossen/
Hats aber ihrer Keyner gnossen.
Gott gibt vnd nimpt wann Er wil/
Er leßt wol zu/ doch nicht zu viel/

Sein Wort

Sein Wort zu trucken kleyne zeit/
Das wil Er haben ganz gefreitt.
Sonderlich vor Menschen Lehrn/
Gott wöll dein Maiestät bekern/
Zu seinem Wort mit rechtem glauben/
Der Papst darff dir das nicht erlauben.
Solche Macht stehet ihm nicht zu/
Er hat keyn frid noch keyn rhü/
Mit den seinen dich zuverfüren/
Vnns Teutschen zu Examiniren/
Mit dem Blüt vnd mit dem Schwerdt/
Das ist das sein hertz begert/
Ganz Teutsch Nation zuverwüsten/
Das laß dich Keyser nicht gelüsten.
Brauch dein güte inn solcher Sach/
Gottes Wort ist auch nicht schwach.
Wa man ein solchs würd beginnen/
Wöcht man frembd hend inn harn finden.
Vnd wirt sich heben eyn Blütuergiessen/
Das wirt die Pfaffen dann verdriessen.
An ihrem wöllen wirts nit stan/
Gott laßt sein Wort nicht vndergan.
Ob schon der Papst dir heymlich gelt
Gibt/ vnd ander mehr bestelt/
Vnns armen Teutschen gar zuuertreiben/
Ich hoff zu Gott/ Er werdts nicht leiden/
Das deine Spanier inn vnserm Landt/
Treiben solche spott vnd schand.
Vnd schmähen vnser kind vnd Weib/
Darfür wagen wir vnser Leib/
Dann sehen ihren spott vnd gwalt/
Mein Gott dafür vnns erhalt.
Wend von vnns ihren vbermütt/

Keyser hab dein sach inn hütt.
Nimpt Gott das glück von dir/
Der Bapst laßt dich das glaub mir.
Thue wie eyn frommer Keyser sol/
Wann du kennst doch die Teutschen wol.
Nit gedenc̄ dir sie zu butzen/
Wir Teutschen lassen vnns nit trutzen.
Doch wolln wir thün was dir gepürt/
So fern du vnns nicht würst verfür.
Wil dich also mit trewen warn/
Hütt dich vor den Pfaffen Garn.
Das sie haben vff vnns gezogen/
Haben darmit sich selbst betrogen.
Dann Gottes Wortt pleibt Ewigk̄ hie/
So sie verschwinden weyß niemant wie.
Hierumb sich Christlicher Brüder/
Wie die Pfaffen haben ihr lüder.
Gelucht vff vnns gleich vff ein ass/
Ir sinn vnd gedancken stehet wie ein frass.
Sie können Gottes Wortt nicht widerstan/
Nun wölln sie mit gewalt daran.
Warlich sie versüchens als/
Henc̄ken vnns den Keyser an den hals.
Der sol vnns Teutschen gar essen/
Damit Gotts Wortt werd vergessen.
Darumb ihr Fürsten alle sampt/
Ihr Herrn alle im Teutschen Landt/
Laßt stillstan vnder euch ewer hadern/
Ihr habt den Weihen vffm Gatern.
Verstads baß danns ist geschriben/
Mit Gottes Wortt wirt hochmüt getriben.
Ihr secht wie schwind ist ietz die Welt/
Habt acht wann mann Kriegsvolck bestelt.

Die mehr

Die meer inn andern Landen fliegen/
Der Keyser wölle inn Hispanien ziehen.
Wöll inn Barbarey Allegeraw gewinnen/
Gott geb das mir nicht werden innen.
Das Allgeraw werd gnannt/
Vnd gehe vber das Teutsche Land.
Der Practicken seind so mechtig viel/
Das ich daruon nicht sagen will.
Hierumb bitt ich nach seinem stand/
Eyn jeden wil ich han ermant.
Er wöll sölich mein schreiben/
Dismal bei ihm lassen pleiben.
Bas verstehen danns ist gemacht/
Wers ein wenig wil haben acht.
So warn ich vnns mit allem vleiß/
Daruon hab ich hörn reden leiß/
Als solts pleiben inn der Federn/
Gott wöll vnns glück vnd heyl beschern.
Vnd verleihen krafft vnd macht/
Ihr grossen Herrn habt eben acht.
Vnd erwacht zu rechter stund/
Ich meyn euch im Schmalkaldischen Bund/
Oder Protestirenden Stend/
Wie ihr dann wölt sein gnennt.
Ihr hört was ich dem Keyser sage/
Wie seer ich vber die Pfaffen klage.
Hertzog Heinrich ist der sachen Anfangt/
Laßt euch die zeit nicht werden langt.
Der Sommer ist nicht weit hieruon/
Dann fahen wir ettwas anders an.
Deyln Gottes Wort mit Spiessen auß/
Würdt manchem zu schwer inn seinem Hauß.
Der Hund leit vnns vor dem Thor/

Wo ihr der sachen nit Kompt vor.
Ein Spanier nem einen Ducatten/
Thet inn eynes Christen Blut umbwatten.
Vnd heysen vnns die Teutschen Hund/
O der vnglückhaffrigen Stund/
Wo sie nemen vberhandt/
Zu Regiren inn vnserm Landt.
So werden sie vnns geben zuschaffen/
Das der Türck wol gieng schlaffen.
Sie hoffen fast vff vnser Vnglück/
Das wend Gott als vff ihren Rück.
Wölle vnns sein Gnade senden/
Ihren anschlag von vnns wenden.
Vnns geben sein Göttlichen Segen/
Thun sie sich darüber regen/
Nachzukommen ihren gedancken/
Wöllen wir darumb von Gott nicht wanden.
Wöllen sehen was sie können/
Mit Gottes hilff vnns lassen finden.
Vnd sie lehren der massen/
Das sie vnderwegen lassen/
Teutsch Landt zu vberziehen/
Sollen widderumb nach Spanien fliehen.
Der Erst anschlag ist ihn mißlungen/
Gott behüt vnns vor den Spanischen zungen.
Es ist noch mancher stolzer Man/
Der sich nimpt Gottes Wort an.
Stelt sein Leib darumb an die spitzen/
Es muß noch mancher drüber schwitzen.
So dannocht thut pleiben Gottes Wort/
Der wöll vnns helfen hie vnd dort/
Wie dem Leib vnd dort die Seele/
Vor der heysen Hellen quele.

Vnd vor

Vnd vor der Spanier vbermütt/
Ihr hertz vnd Sinn ist nit gütt.
Ihr Sin vnd gemüet ist nach vnglück/
Wein Spieß vnd Harnisch ist geschickt.
Mit Gottes hilff Lob zu erwerben/
Oder vmb seins Wortts willen zu sterben.
Hiemit diß Gedicht volnpracht/
Ihr Teutschen H'Ern habt eben acht/
Laßts Euch eyn Narr ha-
ben gesagt.

(✚)

Ni 2086


ULB Halle 3
001 923 03X




P
Sv

WNA







3
c.

Vn ermanung an die
Keyserliche Maiestat/ desz Euangeliums
halben/ inn seinen Erblendern.

Darinnen auch ein trewe warnung
an Vnns Teutschen.

Durch einen Wolweisen Kriegsß
erfahrenen Herrn schön be-
schriben.

Vnns/ M. D. xlvj.